

Greiðsluafkoma ríkissjóðs í janúar-apríl 2005

Greiðsluuppgjör ríkissjóðs fyrir fyrsta þriðjung ársins 2005 liggur nú fyrir. Samkvæmt uppgjörinu er handbært fé frá rekstri jákvætt um 13,1 milljarð króna á tímabilinu, sem er 12,9 milljörðum króna betri útkoma en á sama tímabili í fyrra og 20,5 milljörðum betri en áætlanir gerðu ráð fyrir. Tekjur reyndust 23,2 milljörðum hærri en í fyrra, á meðan að gjöldin hækka um 11,4 milljarða. Hreinn lánsfjárfnuður var jákvæður um 19,4 milljarða króna en var jákvæður um 0,5 milljarða í fyrra.

Innheimtar tekjur ríkissjóðs námu 114,3 milljörðum króna á fyrstu fjórum mánuðum þessa árs sem er tæplega 23,2 milljarða meiri innheimta en á sama tímabili síðasta árs eða 25,4% aukning. Þar af námu skatttekjur ríkisins 101,9 milljörðum króna sem er 21% hækkun frá í fyrra eða um 16% meiri innheimta að raungildi. Innheimta annarra rekstrartekna hækkaði einnig umtalsvert eða 78,9% frá sama tímabili í fyrra. Munar þar mestu um aukna innheimtu arðgreiðslna, einkum frá Landssímanum eða um 6,3 milljarða króna.

Innheimta skatta á tekjur og hagnað jókst talsvert eða um 18% miðað við sama tímabil á síðasta ári. Þar af jókst innheimta skatta á tekjur og hagnað einstaklinga um 9,5%, lögaðila um 2,5% og innheimta fjármagnstekjuskatta jókst enn meir eða um 53,6%. Innheimta tryggingagjalda á tímabilinu nam 10,2 milljörðum króna og hækkaði um 23,1% á milli ára. Hér ber að nefna að á sama tímabili hækkaði almennt verðlag um 4,4% og launavísitala Hagstofu Íslands um 6,7%. Hvað varðar innheimtu eignaskatta þá jókst hún einnig umtalsvert, um 2 milljarða frá sama tíma í fyrra, og endurspeglar sú hækkun fyrst og fremst aukna innheimtu stimpilgjalda, enda hefur verið mikil aukning í veltu á fasteignamarkaðinum á fyrstu fjórum mánuðum þessa árs miðað við sama tímabil í fyrra. Þó eru vísbendingar um að heldur sé að draga úr þessari aukningu en veltan á fyrsta ársfjórðungi þessa árs var t.a.m. 24,3% minni en veltan á fjórða ársfjórðungi síðasta árs. Þróun almennra veltuskatta, og þá sérstaklega virðisaukaskattsins, gefur einnig góða mynd af þróun eftirspurnar í hagkerfinu en samanlagt hækka almennir veltuskattar um 19,5% eða um 14,5% að raungildi. Þar munar mestu um tæplega 20,8% meiri innheimtu tekna af virðisaukaskatti frá fyrra ári sem er talsvert meiri hækkun en átt hefur sér stað á sama tímabili síðustu ára. Auk ofangreinds skila vörugjöld af ökutækjum og þungaskattur umtalsvert meiri tekjum en í fyrra en nýskráning bifreiða á fyrstu fjórum mánuðum þessa árs jókst um 65,3% miðað við sama tímabil fyrra árs. Að öllu samanlögðu gefa innheimtutölur fyrsta ársþriðjungs þessa árs enn frekari vísbendingar um að lítið lát virðist vera á almennri eftirspurn sem er takt við þjóðhagsspá fjármálaráðuneytisins frá 27. apríl sl.

Greidd gjöld námu 103,2 milljörðum króna og hækkuðu um 11,4 milljarða frá fyrra ári, eða um 12,4%. Vaxtagjöld hækka um 5,7 milljarða króna eða tæplega 97% þar sem stór flokkur spariskírteina var á innlausn. Útgjöld til heilbrigðis- og tryggingamála hækka um 2,7 milljarða eða tæp 7% og til menntamála um 1 milljarð kr. eða tæp 8%. Önnur frávik eru mun minni.

Lánahreyfingar. Afborganir lána námu 29,8 milljörðum sem skiptast þannig að 16,2 milljarðar eru vegna afborgunar erlendra langtímalána og 13,5 milljarður vegna innlausnar spariskírteina. Þá voru 1,2 milljarðar greiddir til Lífeyrissjóðs starfsmanna ríkisins í því skyni að lækka framtíðarskuldbindingar sjóðsins. Lántökur námu 13,9 milljörðum króna. Þrátt fyrir að afborganir umfram lántökur næmu 15,9 milljörðum króna þá batnaði greiðsluafkoman um 2,3 milljarða á tímabilinu, sem skýrist af því að handbært fé frá rekstri og fjármunahreyfingar voru jákvæðar um 20,6 milljarða króna.

Sjódstreymi ríkissjóðs janúar - apríl 2005 (Í milljónum króna)

	<u>2001</u>	<u>2002</u>	<u>2003</u>	<u>2004</u>	<u>2005</u>
Innheimtar tekjur.....	72.307	77.246	91.224	91.117	114.301
Greidd gjöld.....	72.542	80.131	83.693	91.818	103.202
Tekjujöfnuður.....	-235	-2.885	7.531	-701	11.099
Söluhagn. af hlutabr. og eignahl.	0	0	-10.720	0	0
Breyting rekstrartengdra eigna og skulda.....	-1.209	-2.099	710	908	1.993
Handbært fé frá rekstri.....	-1.444	-4.984	-2.479	207	13.092
Fjármunahreyfingar.....	-490	2.619	14.900	365	7.518
Hreinn lánsfjárfnuður.....	-1.934	-2.365	12.421	536	19.356
Afborganir lána.....	-21.441	-16.696	-5.642	-25.018	-29.826

Innanlands.....	-6.688	-6.555	-4.932	-3.170	-13.607
Erlendis.....	-14.753	-10.141	-710	-21.848	-16.219
Greiðslur til LSR og LH.....	-5.000	-3.000	-2.500	-2.500	-1.200
Lánsfjárfjöfnuður. brúttó.....	-28.375	-22.061	4.279	-26.982	-11.670
Lántökur.....	29.416	26.343	-550	32.004	13.949
Innanlands.....	8.683	2.190	9.141	11.618	2.169
Erlendis.....	20.734	24.153	-8.591	20.386	11.780
Greiðsluafkoma ríkissjóðs.....	1.042	4.281	3.728	5.022	2.279

Tekjur ríkissjóðs janúar-apríl
(í milljónum króna)

	Breyting frá fyrra ári. %						
	<u>2003</u>	<u>2004</u>	<u>2005</u>	<u>2002</u>	<u>2003</u>	<u>2004</u>	<u>2005</u>
Skatttekjur í heild.....	73.592	84.206	101.911	5,2	4,1	14,4	21,0
Skattar á tekjur og hagnað.....	25.535	30.205	35.640	8,1	0,5	18,3	18,0
Tekjuskattur einstaklinga.....	18.645	20.963	22.957	14,7	3,5	12,4	9,5
Tekjuskattur lögaðila.....	1.040	2.952	3.024	-41,9	-39,2	183,8	2,5
Skattur á fjármagnstekjur og fl	5.850	6.290	9.659	17,2	2,8	7,5	53,6
Tryggingagjöld.....	7.716	8.315	10.237	9,2	6,1	7,8	23,1
Eignarskattar.....	2.668	3.108	5.109	-10,0	-12,8	16,5	64,4
Skattar á vöru og þjónustu.....	37.489	42.442	50.738	3,9	8,0	13,2	19,5
Virðisaukaskattur.....	24.812	28.529	34.457	7,2	7,7	15,0	20,8
Aðrir óbeinir skattar.....	12.677	13.913	16.281	-2,2	8,5	9,8	17,0
Þar af:							
Vörugjöld af ökutækjum.....	1.193	1.699	2.890	-24,1	44,3	42,4	70,1
Vörugjöld af bensíni.....	2.213	2.619	2.760	-7,4	5,5	18,3	5,4
Þungaskattur.....	1.794	2.081	2.422	-2,0	-0,1	16,0	16,4
Áfengisgjald og hagn. ÁTVR.....	3.126	3.092	3.238	-3,1	31,7	-1,1	4,7
Annað.....	4.351	4.422	4.971	6,4	-5,1	1,6	12,4
Aðrir skattar.....	184	136	186	5,9	-8,0	-26,1	36,6
Aðrar tekjur.....	17.632	6.911	12.390	28,5	168,3	-60,8	79,3
Tekjur alls.....	91.224	91.117	114.301	6,8	18,1	-0,1	25,4

Gjöld ríkissjóðs janúar-apríl
(í milljónum króna)

	Breyting frá fyrra ári. %						
	<u>2003</u>	<u>2004</u>	<u>2005</u>	<u>2002</u>	<u>2003</u>	<u>2004</u>	<u>2005</u>
Almenn mál.....	8.537	9.648	9.958	20,9	-2,0	13,0	3,2
Almenn opinber mál.....	4.923	5.424	5.526	19,5	1,2	10,2	1,9
Löggæsla og öryggismál.....	3.614	4.224	4.432	22,7	-6,0	16,9	4,9
Félagsmál.....	52.301	60.227	64.322	13,9	11,1	15,2	6,8
Þar af: Fræðslu- og menningarmál.....	11.506	13.899	14.978	14,6	9,3	20,8	7,8
Heilbrigðismál.....	21.504	23.717	26.313	19,1	11,2	10,3	10,9
Almannatryggingamál.....	16.368	19.101	19.390	6,3	11,8	16,7	1,5

Atvinnumál.....	10.620	11.805	12.506	0,2	-1,3	11,2	5,9
Þar af: Landbúnaðarmál.....	3.892	3.876	4.128	-10,1	2,1	-0,4	6,5
Samgöngumál.....	3.676	4.784	5.151	14,4	-13,5	30,1	7,7
Vaxtagreiðslur.....	7.807	5.926	11.652	2,0	-20,4	-24,1	96,6
Aðrar greiðslur.....	4.428	4.213	4.765	3,7	17,5	-4,9	13,1
Greiðslur alls.....	83.693	91.818	103.202	10,5	4,4	9,7	12,4